

Das Kupfferblatt N: 6.

Calculation des Situs.

D: Kupf-
ferblatt
No: 6.
Calcula-
tion des
Situs.

Werwolen es nit eben so nötig were/ den Situm, oder den Platz/ darauff das Haus ist erbarwet worden/ dergestalt außzuzurechnen/ daß man die eigentliche Summa/ wievil dann der flach gevierdten Berckschuch/ in dessen Innhalt gefunden werden/ Wissen schafft haben müste/ Sintemalen vil hundert Häuser seynd gebawt worden/ daß weder der Bauherz/ vil weniger der Architectus, dergleichen Calculation zumachen/ nie begert/ noch die Müherwaltung genommen/ durch das scharpffe außrechnen (welches sie etwann nit geübet/ vil weniger andern zumachen getrawet/ noch solchem Facit glauben gegeben/ daherodisefonst rühmliche Erfahrung vermitteln gebliben) zu calculiren. Wie deme aber allem/ so ist gleichwol die besagte Intention an ihr selber löblich/ beneben auch nützlich/ vnnnd demnach/ massen dann in meiner Architectura Recreationis, daselbsten bey dem Kupfferblatt N: 13. Andeutung geschehen/ daß auch ein gar ringfertiger Modus zum calculiren/ des Profilo einer Fortification, auff zweyerley Weeg zu haben sene/ dardurch dann jeder einfältiger Rechner / dise Sactisfaction gar leichtlich erlangen/ für sich selbert zu calculiren / alsdann er dem Facit bessern Glauben geben möchte. Wann nun obangedeuter massen/ die Calculation bey den Profilen geschehen kan/ Eben also vnd nicht weniger so mag es auch auff dem Plano, oder flachen Boden/ (so wol in außrechnung der Felder/ Aecker/ Wisen/ Hölzer/ze. als auch allem andern/ was da immer vorkommen möchte) vnd hernach folgender Gestalt/ gar ringfertig zu Werck gesetzt werden.

Nun seynd die ordenlich gevierdte oder oberlengte/ jedoch aber winckelrechte Platz/ gar ringfertig zu calculiren/ daherovnnötig seyn wil/ von denselbigen einiges Exempel vorzustellen/ dises aber/ massen vnd wie gegenwertiger Situs (dessen Umbkreis dann bey .a. b. c. d. e. f. g. h. I. .P. z. X. y. t. v. zu ersehen) außweist/ ein sehr vngestalteter vbelgeformirter Irregular Platz ist. Daheroman denselbigen in vnder-schiedliche Quadrat, bey Ansetzung eines gemeinen/ jedoch gerecht vnnnd just abgerichteten Tischlerwinckelhackens abtheilen/ jeden solchen Spickel aber/ alsdann besonder außrechnen/ Endlich derselben samentlichen Inhalt zusammen Summieren kan/ hierdurch nun das Facit gar leichtlich zu finden ist/ Fürnemblich so ist zu wissen/ daß diser Platz in drey vnder-schiedlichen malen zusammen gebracht worden/ dann mit den schwarzen Linien .a. b. c. d. e. f. g. h. I. k. L. m. wird das alte/ dem Hauswüth zu vor zuständige Haus verstanden/ vnnnd vil Zimmer vmb Ersparung Vnkostens in ihrem esse, oder Wesen seynd gelassen worden/ damit aber selbiges zu erweitern / so ist hernach der Neue Situs, welcher

A iij

mit